



“Bal Ayım” бөбекжай бақшасы

ҚЫС ҚЫЗЫҒЫ

**Топ: “Балдырған” аралас тобы
Топ тәрбиешісі: Сейлова Сауле**

2024 - 2025 оқу жылы



Қыс қызығы

Мақсаты: Балалардың қыс туралы түсініктерін кеңейтіп, қысқы ойындар мазмұнын меңгерту, спорт туралы білімдерін кеңейту, қызығушылықтарын арттыру. Бала денесін ойын арқылы қозғалысқа келтіріп, таза ауада шынықтыру. Іс – әрекетке деген қызығушылығын ойын арқылы қалыптастыру. Салауатты өмір салтына тәрбиелеу.

Қажетті құрал – жабдықтар: Топ эмблемалары, кедергілер, шелектер, күрек, пакеттер, Аққалаға керекті заттар, сәбіз бен балық суреттері.

Кейіпкерлер: Қасқыр, Қоян.

Жүргізуші: Құрметті қонақтар, балалар «Bal - Айым» бөбекжай – бақшасы «Балдырған» аралас тобының «Қыс қызығы» атты эстафеталық жарысқа қош келдіңіздер.

Сауығып айдай толасың,

Спортты серік ете біл.

Жаксы азамат боласың.

Жеңімпаз болу оңай ма,

Арман болған талайға?

Болмасаңда ұқсап бақ,

Жарысқа түсіп қалайда.

- Балалар қонақтармен амандасып алайық.

Сәлем бердік алтын күн,

Сәлем бердік ашық аспан.

Сәлем бердік Жер Ана,

Сәлем бердік баршаңа.

«Әнұран» шырқалады.

Балалар алаңда екі қатарға бөлінеді.

Жүргізуші: Шанамен зырлап желетін,

Шаңғы, каньки тебетін.

Аққала жасап ойнайтын,

Қай мезгіл деп ойлайсың?

Балалар: Қыс мезгілі.

-Дұрыс айтасындар, балалар. Ой, қарандаршы бізге қонақтар келе жатқан секілді. Мынау келе жатқан Аққала, Қоян, Қасқыр ғой.

Аңдар ортаға келіп амандасады. Сәлеметсіздерме, балалар мұнда не болып жатыр? Сендердің қуанған дауыстарыңды естіп қонаққа келіп қалдық.

Жүргізуші: Сәлеметсіздерме қош келдіңіздер, біздің балалар Қыс қызығы атты эстафеталық жарыста бақ сынамақшы ендеше сол қызықты сәттің куәгері болыңыздар.

Намысы бар балапандар қайдасың,

Білген дұрыс бұл спорттың пайдасын.

«Ақ қоян» және «Ақ Аю» топтарын топбасшыларымен ортаға шақырамыз.

Міне балалар шықты алаңға,

Жас спортшылар жеке – жеке команда.

Ал, балалар өздерінді танындар,

Ептілікпен батылдықты көрсетіп,

«Ура» деген ұранды біз бастаймыз.

Жарысымызды ал енді бастаймыз

«Жеңіске жетеміз!» деп,

Жалынды ұран тастаймыз.

«Ақ Аю» топбасшысы **Серікбай Абай**

Ұраны: Біріміз бәріміз үшін,

Бәріміз біріміз үшін.

«Ақ Қоян» топбасшысы **Қаби Жүсіп**

Ұраны: Қояндарша ырғимыз,

Намысты қолдан бермейміз.

Жүргізуші: Ешкімнің жоқ алалар,

«Жеңімпаз» болу үлкен сын.

Оны әділқазы бағалар,- деп,

Әділ қазыларды ендеше,

Шақырайық ортаға,

Әділ баға беруге.

Әділ қазылар алқалары: **Бөбекжай меңгерушісі:** Әбуова Әлима апай.

Бөбекжай әдіскері: Ұзақбаева Нұргүл апай.

Бөбекжай медбикесі: Садықова Ақмарал апай.

Топтарымызға сәттілік тілер қошемет көрсетейік.

Жүргізуші: Бүгінгі сайыс кезеңнен тұрады.

1.Кедергілерден өту.

2.Хоккейшілер.

3. Аққала құрастыру.

4. Қоян мен Қасқырды тамақтандыр.

5. Кім епті?

Жүргізуші: Шанасына мінеді,

Мәз мәйрам боп күледі.

Жарысамыз бәріміз,

Жарасып тұр сәніміз.

1 кезең: «Кедергілерден өту» деп аталады.

Ойын шарты: Әр топта шелекте майда доптар берілген. Ортада орналасқан кедергілер арасымен өту арқылы доптарды себетке жинау керек бірінші болып допты тауысқан топ жеңіске жетеді.

Қоян: Балалар ойын алдында қызықты болсын деп жұмбақ жасырғым келіп тұр жұмбақ шешуге қалай қарайсыңдар?

1. Қыста ғана болады,

Ұстасаң қолың тонады. (**Қар**)

2. Жалт – жүлт етеді,
Үстасаң еріп кетеді. (Мүз)
- Ал, балалар, сәттілік.

2 кезең: «Хоккейшілер» деп аталады.

Ойын шарты: Балалар хоккей таяқшасымен шайбаны кедергілер арасынан айналып өтіп, мәреге бірінші болып келген топ жеңіске жетеді.

Қасқыр: Менінде дайындап келген жұмбақтарым бар.

1. Тікен тікен тік пісте,
Қысы, жазы бір түсте. (Шырша)
2. Мұрны сәбіз үп-үшкір,

Көзі көмір қап – кара.

Көне шелек басында,

Сыпырғышы қолында. (Аққала)

3 кезең: «Аққала құрастыру» деп аталады.

Ойын шарты: Балалар берілген капеттерге қарларды толтырып, кедергілер арасымен жүгіре отырып, капеттердің көлеміне қарай орналастырып, Аққала құрастыру қажет. Бірінші болып Аққала құрастырған топ жеңіске жетеді.

4 кезең: «Қоян мен Қасқырды тамақтандыр» деп аталады.

Ойын шарты: Қонаққа келген Қасқыр мен Қоянның азықтарын, яғни сәбіз бен балықты кедергілердің арасымен жүгіре отырып жинау, қай топ бірінші аяқтайды сол топ жеңіске жетеді.

5 кезең: «Кім епті?» деп аталады.

Ойын шарты: Балалар ыдыстағы қарды қалақпен кедергілер арасынан жүгіріп, шелекке тасу. Қай топ шелекке көп қар жинаса, сол топ жеңіске жетеді.

Жүргізуші: Назар аудар денсаулыққа,

Өмірде бақыттысың денің сауда.

«Денсаулық терең бакыт» деген сөзді,

Құр айтпаған ұлы Абай данамызда.

Денің сауда күштісің бұл әлемде,

Денің сауда сұлуың жер бетінде. – дер ортаға әділ қазылардың әділ қазылығын айтатын мүшелерді шақырамыз.

Марапаттау сәті.

1 Орын: "Ақ аю" тобы.

2 Орын: "Ақ қаян" тобы.

Жүргізуші: Ұрпақ керек ертеңгі алда,

Болашақты болжайтын.

Дені таза, тәні таза,

Елін жерін қорғайтын.

Еліміздің болашағы дені сау азаматтардың қолында. Денсаулықтың кепілі - салауаттылық. «Қыс қызығы» атты спорттық эстафеталық жарысымызды осымен аяқтаймыз. Келесі кездескенше сау болыңыздар!